



অবিলম্বে প্রকাশের উদ্দেশ্যে: 16/12/2022

গভর্নর ক্যাথি হোকল

গভর্নর হোকল নর'ইস্টারের প্রভাবে আজ আপস্টেটের বিভিন্ন অংশগুলোর উপর এবং সারা সোমবার ধরে ইরি ও অন্টারিওর লেকগুলো জুড়ে হওয়া দীর্ঘস্থায়ী তুষারপাত সম্বন্ধে আপডেট দিয়েছেন

শীতের মরসুমে হওয়া প্রথম নর'ইস্টার আপস্টেট নিউ ইয়র্কের (NY) বিভিন্ন অংশে প্রভাব ফেলেই চলেছে, নর্থ কান্ট্রি, মোহাক ভ্যালি ও রাজধানী অঞ্চলগুলোয় এক ফুট পর্যন্ত বরফ জমা হতে পারে বলে আশংকা করা হচ্ছে; এসব অঞ্চলের উঁচু জায়গাগুলোতে শনিবারের মধ্যে প্রায় দুই ফুট পর্যন্ত বরফ জমা হতে দেখা যাবে।

সেন্ট্রাল নিউ ইয়র্ক ও সাউদার্ন টিয়ার অঞ্চলের কিছু অংশে শনিবার পর্যন্ত ৪ থেকে 12 ইঞ্চি বরফ জমা হতে পারে; ঝড়ের সময় প্রতি ঘণ্টায় 1 থেকে 2 ইঞ্চি হারে তুষারপাত হতে পারে বলে আশংকা করা হচ্ছে

ইরি এবং অন্টারিওর লেকগুলোর পাশাপাশি লেক ইফেব্টি তুষারপাত আজ রাত থেকে শুরু হবে বলে আশা করা হচ্ছে এবং সোমবার পর্যন্ত চলার ফলে ওয়েস্টার্ন নিউ ইয়র্ক (NY) সম্ভবত দুই ফুট পর্যন্ত এবং টাগ হিল মালভূমিতে চারফুট পর্যন্ত তুষার জমা জমবে বলে আশংকা করা হচ্ছে

স্টেট সংস্থার প্রতিক্রিয়ার কার্যক্রম সমন্বয় করতে এবং স্থানীয় সরকারগুলোর সহায়তার অনুরোধে প্রতিক্রিয়া জানানোর ব্যবস্থা করতে বৃহস্পতিবার থেকে স্টেট ইমার্জেন্সি অপারেশনস সেন্টার সক্রিয় করেছে

গভর্নর হোকল রবিবার পর্যন্ত প্রভাবিত বিভিন্ন অঞ্চলগুলোয় অপ্ৰয়োজনীয় ভ্রমণ থেকে বিরত থাকার জন্য অনুরোধ জানিয়েছেন, কারণ ভারী, ভেজা তুষারপাতের কারণে ভ্রমণের পরিস্থিতি ঝুঁকিপূর্ণ হওয়ার এবং বিদ্যুৎ বিভ্রাট দেখা দিতে পারে বলে আশংকা করা হচ্ছে

গভর্নর ক্যাথি হোকল আজ মরসুমের প্রথম নর'ইস্টার নিয়ে আপডেট দিয়েছেন যা শুক্রবার সারাদিন জুড়ে এক ফুট বা তার বেশি ভারী, ভেজা তুষার দিয়ে আপস্টেট নিউ ইয়র্কের বিভিন্ন অংশে প্রভাব ফেলবে বলে আশংকা করা হচ্ছে, পাশাপাশি লেক ইরি এবং লেক অন্টারিওর সীমান্তে থাকা অঞ্চলগুলোয় বসবাসরত মানুষদের তুষারপাতের কারণে লেকের দীর্ঘস্থায়ী প্রভাব

মানিয়ে নেওয়ার অনুরোধ করেছেন যার ফলে কয়েকটি স্থানে শুক্রবার থেকে শুরু করে সোমবার পর্যন্ত প্রায় চারফুট বরফ জমতে পারে। নর্থ কান্ট্রির উঁচু অঞ্চলগুলো এবং মোহক ভ্যালী ও ক্যাপিটাল ডিস্ট্রিক্টের বেশ কিছু অংশ জুড়ে আজ মাঝে মাঝেই ভারী তুষারপাত হওয়ার সম্ভাবনা আছে, থামার আগে যার ফলে শনিবারের শুরুতে মোট প্রায় একফুট বা কিছু জায়গায় আরও বেশি বরফ জমবে। সেন্ট্রাল নিউ ইয়র্কের কিছু অংশে ও সাউদার্ন টিয়ার অঞ্চলেও শনিবারের মধ্যে প্রায় এক ফুট তুষার দেখা যেতে পারে। লেকস ইরি এবং অন্টারিওর থেকে লেকের প্রভাবে তুষারপাত আজ রাত থেকে শুরু হবে বলে আশংকা করা হচ্ছে এবং সোমবার ভোর পর্যন্ত চলার ফলে ওয়েস্টার্ন নিউ ইয়র্কের (NY) পূর্বাভাসে দুই ফুট পর্যন্ত এবং টাগ হিল মালভূমির বিভিন্ন স্থানে চারফুট পর্যন্ত মোট তুষারপাতের আশংকা করা হচ্ছে। লেক ইরির তুষারপাতের হার প্রতি ঘন্টায় প্রায় দুইঞ্চি পৌঁছানোর পূর্বাভাস নিয়ে শনিবার থেকে রবিবার রাত পর্যন্ত ভারী প্রকোপের তুষারপাত হওয়ার সম্ভাবনা আছে, অন্যদিকে লেক অন্টারিওয় মাঝে-মাঝে তুষারপাতের হার প্রতিঘন্টায় মোট তিন ইঞ্চি হতে পারে।

"এখনও পর্যন্ত ইস্টার্ন নিউ ইয়র্কের বেশ কিছু অংশে মোট তুষারপাতের পরিমাণ কম, তবে দিন যত এগিয়ে আসছে তত ঠাণ্ডা বাতাসের আশংকা রয়েছে। বৃষ্টি তুষারপাতে পরিণত হবে, যার ফলে আজ বিকেলে এবং রাতে যাতায়াত কঠিন হয়ে উঠবে," **বলেছেন গভর্নর হোকলা**। " নিউ ইয়র্কবাসীদের সতর্ক থাকতে হবে এবং আজ সারাদিন ধরে পূর্বাভাসের প্রতি নজর রাখতে হবে, বিশেষ করে নর্থ কান্ট্রি এবং লেক ইরি ও অন্টারিওর আশেপাশের এলাকাগুলোর মানুষদের।"

বৃহস্পতিবার এবং শুক্রবারের মাঝে, মোট সর্বোচ্চ তুষারপাত সবচেয়ে বেশি হয়েছিল মিড-হাডসন ভ্যালি অঞ্চলে, যার কিছু জায়গায় প্রায় আট ইঞ্চির মতো বরফ জমে গিয়েছিল। অন্যান্য তুষারপাতের মোট নিম্নরূপ:

- ফিঙ্গার লেকস এবং সাউদার্ন টিয়ার: 4-7"
- সেন্ট্রাল NY: 3-7"
- মোহক ভ্যালি: 2-6"
- ক্যাপিটাল রিজিয়ন: 4-6"
- নর্থ কান্ট্রি: 3-7"
- ওয়েস্টার্ন NY: 1"

নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস (Division of Homeland Security and Emergency Services)-এর কমিশনার জ্যাকি ব্রে বলেন, "আমরা এই মুহূর্তে দুটি সম্পূর্ণ আলাদা আবহাওয়ার পরিস্থিতি দেখছি - যার একটায় আজ সকালে বেশিরভাগ স্টেটে বৃষ্টি এবং তুষারপাত হচ্ছে এবং অন্যটির ফলে লেক ইরি ও লেক অন্টারিওর পাশাপাশি টাগ হিল মালভূমিতে কয়েকফুট তুষার জমে যাওয়ার সম্ভাবনা থাকছে। এই উইকেন্ডে আপনার স্থানীয় আবহাওয়ার পূর্বাভাসের প্রতি গভীর মনোযোগ দিন। যদি আপনাকে ভ্রমণ করতেই হয়, তাহলে আপনার গন্তব্যে যাওয়ার জন্য হাতে অতিরিক্ত সময় রাখুন এবং প্রয়োজনীয় সতর্কতা নিন।"

শনিবার পর্যন্ত স্টেটের বেশিরভাগ অংশের জন্য একাধিকবার আবহাওয়া সংক্রান্ত সতর্কতা ও পরামর্শ জারি করা হয়েছে। আপনার এলাকার জন্য আবহাওয়া সংক্রান্ত পর্যবেক্ষণ ও সতর্কবার্তার পূর্ণাঙ্গ তালিকা পেতে, [জাতীয় আবহাওয়া পরিষেবার \(National Weather Service\) ওয়েবসাইটে](#) ভিজিট করুন এবং সিটি বা জিপ কোড দিয়ে আপনার এলাকা অনুসন্ধান করুন।

স্টেট এজেন্সির প্রস্তুতি

ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস (Division of Homeland Security and Emergency Services)

ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস স্টেট সংস্থাগুলোর সাড়া দান কার্যক্রম সমন্বয় করছে এবং প্রস্তুতি নিশ্চিত করতে স্থানীয় সরকারগুলোর সঙ্গে যোগাযোগ রক্ষা করছে। ঝড়ের প্রতি সাড়া দান কার্যক্রম এবং ভ্রমণের অবস্থা তদারকি করার জন্য বৃহস্পতিবার বিকেলে স্টেটের ইমার্জেন্সি অপারেশন্স সেন্টার সক্রিয় করা হয়েছে। স্থানীয় সরকারগুলোকে ঝড়ের সাথে সম্পর্কিত প্রয়োজনগুলো পূরণে সহায়তা করার জন্য স্টেটের মজুদ থেকে সম্পদ মোতায়েন করার জন্য স্টেটের অফিস অব ইমার্জেন্সি ম্যানেজমেন্ট (Office of Emergency Management) প্রস্তুত রয়েছে। পারস্পরিক সহায়তার অনুরোধে সাড়া দেওয়ার জন্য স্টেটের অগ্নি প্রতিরোধ ও নিয়ন্ত্রণ অধিদপ্তরে (Office of Fire Prevention and Control) সরঞ্জাম ও কর্মীরা প্রস্তুত রয়েছে।

পরিবহন বিভাগ (Department of Transportation)

স্টেটের পরিবহন বিভাগ রাজ্যব্যাপী 3,450 জন অপারেটর এবং সুপারভাইজার নিয়ে বর্তমান আবহাওয়া পরিস্থিতির প্রতিক্রিয়া জানাতে প্রস্তুত।

সংকটপূর্ণ এলাকাগুলোতে তুষার ও বরফ সরানোর কাজে সহায়তা করার জন্য 33 জন প্লাউ ট্রাক অপারেটর, দুইজন সুপারভাইজার, ও নয়জন ইকুইপমেন্ট অপারেটর ইনস্ট্রাক্টর সহ মোট 44 জন কর্মী মোতায়েন করা হচ্ছে। তাদেরকে নিম্নোক্ত উপায়ে বন্টন করা হয়েছে:

- ক্যাপিটাল রিজিয়ন:
 - ফিঙ্গার লেকস থেকে দুইজন ইকুইপমেন্ট অপারেটর ইনস্ট্রাক্টর পেয়েছে
 - লং আইল্যান্ড থেকে একজন ইকুইপমেন্ট অপারেটর ইনস্ট্রাক্টর পেয়েছে
 - DOT-এর প্রধান কার্যালয় থেকে একজন ইকুইপমেন্ট অপারেটর ইনস্ট্রাক্টর পেয়েছে
- মোহক ভ্যালি:
 - লং আইল্যান্ড থেকে আটজন প্লাউ অপারেটর পাচ্ছে
- সেন্ট্রাল NY:
 - লং আইল্যান্ড থেকে 25 জন প্লাউ অপারেটর ও দুই জন সুপারভাইজার পেয়েছে
- নর্থ কান্ট্রি:
 - ওয়েস্টার্ন NY থেকে দুইজন ইকুইপমেন্ট অপারেটর ইনস্ট্রাক্টর পেয়েছে

-ক্যাপিটাল রিজিয়ন থেকে একজন ইকুইপমেন্ট অপারেটর ইনস্ট্রাক্টর পেয়েছে

- সাউদার্ন টিয়ার:

-লং আইল্যান্ড থেকে দুইজন ইকুইপমেন্ট অপারেটর ইনস্ট্রাক্টর পেয়েছে

পুরো সময়জুড়ে আবহাওয়ার অবস্থা বিবেচনায় নিয়ে বাড়তি সম্পদ বরাদ্দের প্রয়োজন পুনর্মূল্যায়ন করা হবে। স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1,732টি বৃহৎ ও মিডিয়াম ডিউটি প্লাউ ট্রাক
- 339টি বৃহৎ লোডার
- 52টি টো প্লাউ
- 39টি স্নো ব্লোয়ার

সেইসাথে, নিম্নলিখিত কাউন্টিগুলোতে ঝড়ের দ্বারা ক্ষতিগ্রস্ত হওয়া প্রধান ভ্রমণ করিডরগুলোতে DOT টো সার্ভিসের ব্যবস্থা করেছে: I-84 (অরেঞ্জ), I-84 (পাটনাম), I-684 (পাটনাম), I-81 (ওনোনডাগা), I-81 (ক্রম), I-88 (ক্রম), I-86 (ক্রম), NY 17 (ক্রম), NY 206 (ডেলাওয়ার), NY 28 (ডেলাওয়ার), NY 17 (সালিভান, দুইটি লোকেশন), I-390 (সিটউবেন), এবং I-86 (চেমুং)। হাচিনসন রিভার পার্কওয়ে, ক্রস কাউন্টি পার্কওয়ে, স মিল রিভার পার্কওয়ে, স্প্রইন ব্রক পার্কওয়েতে টো সার্ভিস কাজে লাগানো হবে।

ভ্রমণ সংক্রান্ত হালনাগাদ তথ্যের জন্য 511 নম্বরে ফোন করুন, 511NY.org ভিজিট করুন অথবা বিনামূল্যের 511NY মোবাইল অ্যাপ ডাউনলোড করুন।

থ্রুওয়ে কর্তৃপক্ষ

থ্রুওয়ে কর্তৃপক্ষ (Thruway Authority) কর্মীরা 679 জন অপারেটর ও সুপারভাইজার নিয়ে তুষারপাত ও বরফ সংক্রান্ত প্রতিক্রিয়া জানাতে প্রস্তুত রয়েছেন। স্টেট ব্যাপী সরঞ্জামের সংখ্যা ও সংস্থানসমূহ:

- 358টি বড় এবং মিডিয়াম ডিউটি প্লাও ট্রাক
- 10টি টো প্লাও
- 68টি লোডার

থ্রুওয়েতে গাড়িচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সহ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-

নির্দেশনা সংক্রান্ত সহায়তা প্রদান করে। এছাড়াও গাড়ি চালকরা [TRANSalert](#) ই-মেইলের জন্য সাইন-আপ করতে পারেন যা ত্রুটি সংলগ্ন যানবাহনের সর্বশেষ অবস্থা সম্পর্কে তথ্য প্রদান করে।

স্টেট পুলিশ

স্টেট পুলিশ অবস্থা তদারক করবে এবং ঝড়ের ফলে উল্লেখযোগ্যভাবে প্রভাবিত হওয়া এলাকাগুলোতে বাড়তি টহলের ব্যবস্থা করবে। সব ফোর-হুইল ড্রাইভ ও বিশেষায়িত যানবাহন, যেমন ইউটিলিটি ট্রাক ভেহিকেল ও স্নোমোবাইল সেবায় নিয়োজিত রয়েছে।

জনসেবা বিভাগ (Department of Public Service)

ক্ষতি মূল্যায়ন, তার পাহারা দেওয়া, সাড়া প্রদান, মেরামত, ও সংস্কার কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে স্টেটজুড়ে আনুমানিক 6,500 জন কর্মী রয়েছে। এর মধ্যে জাতীয় গ্রিড কর্তৃক নিযুক্ত করা বাড়তি 515 জন বহিরাগত কর্মী, NYSEG এবং RG&E কর্তৃক নিযুক্ত করা 400 জন বহিরাগত কর্মী, সেন্ট্রাল হাডসন থেকে নিযুক্ত 50 জন বহিরাগত কর্মী, এবং অরেঞ্জ ও রকল্যান্ড কর্তৃক নিযুক্ত 50 জন বহিরাগত কর্মী অন্তর্ভুক্ত রয়েছে। DPS-এর কর্মীরা পুরো সময়জুড়ে ইউটিলিটিগুলির কার্যক্রমের ট্র্যাক রাখবে এবং সবচেয়ে বেশি প্রভাবিত হওয়া এলাকাগুলোতে ইউটিলিটি এজেন্সিগুলোর যথাযথ কর্মী নিয়োগের বিষয়টি নিশ্চিত করবে।

পরিবেশ সংরক্ষণ বিভাগ (Department of Environmental Conservation)

নিউ ইয়র্ক স্টেটের পরিবেশ সংরক্ষণ বিভাগের পুলিশ অফিসার, ফরেস্ট রেঞ্জার্স, জরুরি ব্যবস্থাপনা কর্মী, এবং আঞ্চলিক কর্মীরা সতর্ক আছেন এবং পরিস্থিতি পর্যবেক্ষণ করছেন এবং গুরুতর আবহাওয়া দ্বারা প্রভাবিত হওয়া এলাকা ও অবকাঠামোগুলোতে সক্রিয়ভাবে টহল দিচ্ছেন। DEC সকল সংস্থান মোতায়েনের জন্য এজেন্সির অংশীদারদের সাথে সমন্বয় করছে এবং যেকোনো জরুরি সাড়া প্রদানের ক্ষেত্রে সহায়তা করার জন্য লভ্য সব সম্পদ যথাস্থানে নিয়োজিত রয়েছে।

DEC ব্যাককান্ডি ব্যবহারকারীদেরকে শীতকালীন অবস্থা সম্পর্কে সচেতন থাকার জন্য এবং প্রস্তুতি নেওয়ার জন্য পরামর্শ দিচ্ছে। আপনার শারীরিক সক্ষমতা বা গন্তব্য নির্বিশেষে শীতকালীন হাইকিং ও স্কিয়িং এর জন্য নিরাপত্তা ও প্রস্তুতি অত্যন্ত গুরুত্বপূর্ণ। আরো বেশি উপভোগ্য এবং অধিকতর নিরাপদ অভিজ্ঞতার জন্য শীতকালীন অবস্থার জন্য যথাযথভাবে প্রস্তুতি নেওয়া অত্যন্ত গুরুত্বপূর্ণ। ভারী তুষারপাত চলাকালীন সময়ে এবং এর পরে তাৎক্ষণিকভাবে উন্মুক্ত, খোলামেলা এলাকা যেমন অনাবৃত পর্বতের চূড়ায় গমন করবেন না এবং উন্মুক্ত ঢালের উপরে বা কাছাকাছি ভ্রমণ করার সময় অনেক বেশি সতর্ক থাকুন। [ঘরের বাইরে নিরাপদ থাকা সম্পর্কে বাড়তি তথ্য DEC-এর ওয়েবসাইটে পাওয়া যাবে।](#)

DEC বৃহৎ পরিমাণে তুষার অপসারণ ও পরিত্যাগের জন্য দায়িত্বপ্রাপ্ত ব্যক্তিদের মনে করিয়ে দিচ্ছে যে তারা পানির মানকে লবণ, বালি, তেল, আবর্জনা এবং বরফের অন্যান্য অবশিষ্টাংশের মতো দূষণকারী পদার্থ দ্বারা প্রভাবিত হওয়ার সম্ভাবনা হ্রাস করতে সাহায্য করার জন্য [সর্বোত্তম ব্যবস্থাপনার অনুশীলনগুলি যাতে মেনে চলেন।](#) স্থানীয় খাঁড়ি এবং ঝর্ণাতে তুষার ফেললে এর

ফলে বরফের বাঁধ সৃষ্টি হতে পারে যা কাছের এলাকায় বন্যার কারণ হতে পারে। সরকারি ও বেসরকারি তুষার অপসারণ অপারেটরদেরকে ঝড় চলাকালীন এবং এর পরে এইসব নিরাপত্তা বিষয়ে সচেতন হতে হবে।

আজ এর আগে, গভর্নর হোকল নিউ ইয়র্কবাসীদেরকে ঝড়ের জন্য প্রস্তুতি নিতে সাহায্য করার জন্য [নিরাপত্তা সংক্রান্ত পরামর্শ](#) প্রদান করেছেন। [ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস-এর ওয়েবসাইটে](#) আরো নিরাপত্তা সংক্রান্ত পরামর্শ পাওয়া যাবে।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418